

Ufficio Stampa della Provincia autonoma di Trento

Piazza Dante 15, 38122 Trento

Tel. 0461 494614 - Fax 0461 494615

uff.stampa@provincia.tn.it

COMUNICATO n. 1964 del 02/07/2026

'Z maz varlèrt vor di khindar boda soin gebortet odar soin khent adotàrt sidar in earst von hoachnach 2026

Gebort schèk vor daz draite khinn, von 15 von höbiat vort makma àvorsan

[Cimbroy] Àhevante von 15 höbiat boda khint bartma mang àvorsan in gebort schèk inngévüart vodar autonome Provìntz vo Tria vor di famildje boda iz gebortet odar boda hãm adotàrt daz draite khinn. 'Z maz, azpe ma boazt, lekk vür an toal vest, hèrta gelaich auzgezalt in zen djar, nã dar ekonòmesche konditziong vodar famildja, un an toal boda khint zuargètt in müatar boda gian vürsnen z'arbata odar boda khearn afte arbat.

“Auhaltn di geborthait billz soin genuant gloam dar zuarkhemmane von Trentino, gloam dar famildja un in ünsarn kamöüschaftn. Pitt ditza maz di Provìntz bill helvan in konkrèt di famildje boda zornìrn zo haba khindar, gebante an schütz boda innhaltet in di zait”, ditza hatta khött dar vorsitzar Fugatti.

“Dar schèk vor daz draite khinn – hatta khött darzuar dar vitzevorsitzar un asesór aftz ekonomì, arbat, famildja, universitét un nãsüach Achille Spinelli – lekk panàndar ekonomege schütz un gem mearar vèrt in baibar boda arbatn. Darzuar dar hilfe gesichart vor zen djar, habar vürgelekk an schütz garade vor di müatar boda khearn afte arbat odar gian vür z'arbata, gloabante ke geborthait, arbat, un stian garècht in famildja mochan krescharn pittnãndar. Di bèkslom inngévüart sidar bintsche vodar Djunta, machan destrarn mang àvorsan, 'z soinda khent vorlengart di zaitn zo maga inngem di vorsch un darzuar makmase inngem lai garade online o”.

Ber 'z magda àvorsan

Dar schèk iz vor famildje boda vonen in di provìntz vo Tria boda bortet odar boda khint adotàrt daz draite khinn. Di muatar mocht hãm zuargehörung un vonung nã azpe da auzmacht da provintziàl normatìf un mocht gehöarn darzuar in gelaichege anagrafege khnof von khindar.

Di muatar darzuar mocht sa artbatn balda bortet odar balda khint adotàrt 'z khinn, odar mocht hãm inngètt kontribute daz mindarste vor zbölf månat, siànka az nèt nã un nã, in di lestn vünf djar. Ditza maz varlèrt vor di khindar gebortet odar odotàrt àhevante von earst von hoachnach 2026.

Toal vest un toal darzuar

Dar schütz bèkslt nã dar ekonomesche konditziong vodar famildja geroatet nã dar ICEF Famildja: sin atz 48.000 in allz (400 euro aftn månat) vor di famildje pitt ICEF sin atz 0,40;

sin atz 30.000 euro in allz (250 euro aftn månat) vor famildje pitt ICEF obar di 0,40;

vor famildje pitt ICEF sin atz 0,70 odar àna ICEF daz mearaste soinz hèrta 30.000 euro un hèrta 250 euro aftn månat gèlt boda tarft khemmen gemeldet vor IRPEF.

Dar schèk khint auzgezalt in månat darnã azta iz gebortet odar azta iz khent adotàrt 'z khinn un sin azta ditza kompìrt di zen djar.

Von draite djar von khinn vort khinta vürgelekk an schütz vo 200 euro aftn månat vor di sèlln müatar boda khearn odar boda stian afte arbat, vor berda arbatet vor iz sèlbart o. Zo maga hãm disan schütz mochtma zoang ke ma hatt gearbatet daz mindarste vor 180 tang 'z djar pellar boda khint inngètt dar vorsch, siànka az nèt nã un nã o.

Bia innzogeba in vorsch

Dòpo azta da provintziàl DJunta, pinn provedimént von 25 von vorgånnate madjo, hatt inngévüart a drai bèkslom, di vorsch saiz vor in toal vest, saiz vor in toal darzuar, mage khemmen inngètt garade vodar muatar darkhennt pinn SPID odar pittar eletronesche khennkart (CIE) odar durch di patronètt boda soin in di provintz vo Tria. Dar lest tage zo maga inngem in vorsch iz khent vorlengart sin atz 180 tang dòpo azta iz gebortet odar azta iz khent adotàrt 'z khinn. Vor haür varlernda **di regln inngévüart lai vorz djar 2026**. Vor di khindar gebortet odar adotàrt vor atz 30 von prachant 2026 dar vorsch vor in toal vest mage khemmen inngètt vor atz 31 kristmånat 2026 un varlért vor di månat hintar o.

Zo bizzasan mearar makma gian z'sega afte websait: [Assegno di natalità per il terzo figlio](#)

Übarsetzt von Schaltarle vor di zung von Toalkamou vodar Zimbar Hoachebene

(cdt)